

Ny Baiboly ho an'ny ankizy  
dia manolotra

Veloma  
Farao!



Nosoratan'i: Edward Hughes

Sarin'i: Janie Forest  
Alastair Paterson

Nampifanarahin'i: Lyn Doerksen

Nadikan'i: Mia Randria

Novokarin'i: Bible for Children  
[www.M1914.org](http://www.M1914.org)

©2023 Bible for Children, Inc.

Azo atao ny fandikana na fakana ity tantara ity  
nefa tsy ho amin'ny fitadiavam-bola.






Tezitra Farao!  
Nibaiko azy tamin'ny  
alalan'i Mosesy  
Andriamanitra mba  
hamelany ny andevo  
Israelita handao an'i  
Ejypta. Tsy nanaiky  
nefa izy.




Nibaiko ny mpitondra  
andevo izy hoe:  
"Ampiasao mafimafy  
kokoa izy ireo". Ka  
lasa vao maika  
nihamafy ny nahazo  
ny Israelita.



Nanome baiko vaovao Farao nanao hoe: "Ianareo ihany no hanangona ny mololo ilainareo. Tsy misy hanome izany ho anareo intsony. Fa ny isan'ny biriky tokony ho vitanareo nefa mitovy amin'ny





teo aloha ihany."



Novelezin'ireo lehibe  
mpibaiko ireo andevo  
Israelita sasany, satria tsy  
ampy ny fotoana hanaovany  
biriky nefafady

nitady mololo.





Nanome tsiny an'i Mosesy sy Aharona ny olona noho ny fahasahiranan'izy ireo. Nisitaka nivavaka i Mosesy. "Tompo ô! Tsy novonjenao akory ny vahoakanao!" Fa


namaly azy Andriamanitra nanao hoe: "Izao no Jehovah, ary hanafaka anareo Aho!"



Nasain' Andriamanitra  
niverina tany amin'i  
Farao indray Mosesy  
sy Aharona tao  
aorian'izay.


Nivadika ho bibilava  
nandady ny tehin'i  
Aharona nony

nangataka  
famantarana avy  
amin'ny mpanompon'  
Andriamanitra  
ilay mpanjaka  
Ejiptiana.



Niantso mafy Farao  
hoe: "Antsoy ny mpanao  
fahagagako". Nivadika  
ho bibilava ihany koa ny  
tehin'ireo mpanao  
fahagagana Ejiptiana  
rehefa natsipin'izy  
ireo. Natelin'ilay tehin'i  
Aharona nefà ireo tehina  
hafa. Kanefa mbola nanda  
tsy nety nandefa ny


Israelita  
ihany  
Farao.



Ny ampitso maraina, nihaona tamin'i Farao  
tany amoron-drano i Mosesy sy Aharona.  
Navadik'Andriamanitra ho rà ny rano, nony  
naninjitra ny tehiny i Aharona.



Fa nanamafy ny fony Farao. Tsy nety namela ny Israelita handao an'i Ejipta izy.



Niteny azy indray i Mosesy  
mba hamela ny olona handeha.  
Nanda izany Farao. Nandefa  
loza iray  
hafa indray  
Andriamanitra.  
Feno sahona Ejipta  
iray manontolo. Ny  
trano tsirairay avy,  
ny efitra rehetra,  
na dia ny fatana ary  
rakotry ny sahona!




Nitalaho tamin'i Mosesy Farao  
nanao hoe: "Mivavaha ho ahy,  
mba hanala  
ny sahona  
Andriamanitra.  
Dia ho alefako ny  
vahoaka". Kanjo,  
nony afaka ny  
sahona, niova  
hevitra indray  
Farao. Tsy  
nalefany ny  
Israelita.




Avy eo, nandefa moka an-tapitrisany Andriamanitra. Nangidihidy daholo ny olona sy ny biby tsirairay avy noho ny kaikitr'izy ireo. Fa tsy nety nihaino an'Andriamanitra ihany nefá Farao.





Avy eo nandefa  
lalitra Andriamanitra,  
tsy tambo isaina.  
Nandefa aretina  
hamono ny biby  
fiompin'ny  
Ejiptiana.





Nandefa vay maharary  
Andriamanitra. Nijaly  
mafы dia mafы ny  
olona. Nefa mbola  
nanohitra  
an'Andrimanitra  
ihany Farao.





Taorian'ny vay,  
nandefa  
andiam-balala indray  
Andriamanitra.  
Lanin'ny  
andiam-balala  
daholo ny  
zava-maitso  
rehetra teo  
amin'ny tany.






Avy eo  
nasian'Andriamanitra  
haizin-kitroka nandritra  
ny 3 andro. Saingy tsy  
mbola namela ny  
Israelita ihany Farao  
noho ny hamafisan'ny  
lohany.



Nampitandrina Andriamanitra hoe: "Handefa loza  
iray farany Aho.  
Amin'ny sasak'alina,  
ho faty daholo ny  
lahimatoa rehetra,  
na olona na biby."

Nilaza tamin'i  
Israelita  
Andriamanitra fa  
ny lahimatoan'ny  
Israelita ho avotra  
raha manisy  
ran-janak'ondry eo  
amin'ny tataom-baravarany  
izy ireo.



A black and white line drawing of a woman with long hair, wearing a headband, crying with tears falling down her face. She is holding a baby close to her chest. In the background, there is a window looking out onto a night sky with stars and a full moon.

Nony nisasaka ny alina,  
feno kikiaka heno  
nanerana an'i Ejpta.


Namely mafy ny  
fahafatesana. Tamin'ny  
tokantrano tsirairay avy,  
farafaharatsiny nisy  
olona iray maty.





Niangavy an'i Mosesy Farao  
hoe: "Mandehana ianarao!  
Mandehana manompo  
Ny Tompo." Lasa  
nandao ny sisintanin'i  
Ejipta haingana ny  
vahoakan'Andriamanitra.





Nilaza tamin'i Mosesy  
Andriamanitra mba hahatsiaro  
ny alin'ny Paska satria ny  
Anjelin'Ny Tompo nandalo ny tokantrano Israelita  
fotsiny ary namely an'i Farao sy ny vahoakany.





Taorian'ny 430 taona  
tany Ejipta, lasa olona afaka ny  
vahoakan'Israely. Nitarika Azy  
tamin'ny andry rahona Andriamanitra rehefa  
atoandro, ary tamin'ny andry afo rehefa alina.



Fa tsy mbola namotsotra




ny Israelita ihany  
nefa Farao. Noadinoiny  
indray Andriamanitra.  
Niova hevitra indray  
izy. Nangoniny ny  
miaramilany ary  
nanenjika ireto  
andevony izy. Tsy ela  
dia voatery anelanelan'ny  
tendrombohitra avo sy  
ranomasina ny  
zanak'Israely.




Nankahery azy ireo Mosesy hoe: "Ny Tompo no hiady ho anareo". Nanatona ny moron'ny rano Mosesy ary naninjitra ny tanany.



Nisy fahagagana  
lehibe nitranga.  
Nosokafan'  
Andriamanitra ny  
ranomasina ka nanao  
lalana hiampitan'ny  
vahokany soa  
aman-tsara Izy.



Nanaraka azy ireo tao an-dranomasina koa  
ny miaramila mpitaingin-tsoavalin'i Farao.



Nieritreretra ireto miaramilany hoe: "Tratrantsika amin'izay izy ireo." Kanjo, nidin'Andriamanitra indray ny rano. Rendrika daholo ny tafika maherin'ny Ejipta. Lasa nahafantatra i Farao fa ny Andriamanitr'Israely Tompo mahefa sy ambonin'ny rehetra.



Veloma Farao!


Tantaran'ny Tenin'Andriamanitra, ny Baiboly,

Tao amin'ny bokin'ny

Eksaody 4-15

"Ny fanambaràn'ny teninao dia manazava."  
Salamo 119:130






**Tapitra**



11



60



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,  
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamele ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!  
Jaona 3.16

